

فيديو ٥٨٩ من مقاطع حظر التجول تدبر سورة التوبة - الحلقة ٨

الآية ٤٢

فاضل سليمان

من يفقه قولي السلام عليكم ورحمة الله وبركاته. اهلا بحضراتكم في المقطع رقم تسعمية خمسة وثمانين. من مقاطع حظر التجول والحلقة الثامنة من حلقات تدبر سورة التوبة ارجو من حضراتكم تجيبوا المصاحف وآآ احنا تدبرنا امبارح قول الله تعالى في الآية ثلاثة وعشرين افتح معي - [00:00:00](#)

معي الآية ثلاثة وعشرين. يلا قلب قلب قلب بسرعة كده وهات لي اية ثلاثة وعشرين اعوذ بالله السميع العليم من الشيطان الرجيم. يا ايها الذين امنوا لا تتخذوه اباؤكم واخوانكم اولياء ان استحبوا. ان استحبوا الكفر عشر - [00:00:30](#)

لا الايمان الليمون وتا دبرناها البارح. ان ربنا يقول للمؤمنين لا تتخذوا اباؤكم واخوانكم اولياء ما ينفعش يبقى لكم ولاء لهم ولا آآ يعني آآ اسمه ايه؟ آآ تضع فيهم ثقتكم - [00:00:56](#)

اذا هم استحبوا الكفر على الايمان كده هم اختاروا يظلوا على الكفر وتركوا الايمان. واللي يتولاهم منكم فالولئك هم الظالمون. عايز اقول لكم على حاجة. لما اسلم سيدنا عبدالرحمن بن ابي بكر - [00:01:24](#)

بعد الحديبية. يعني ده من المجموعة اللي ذكرت في اخر سورة التوبة اللي هي الذين امنوا من بعد وهاجروا. يعني بعد الحديبية كان منهم عبدالرحمن بن ابو بكر. فده اسلم في مرحلة متأخرة وهاجر بس بعد الحديبية - [00:01:41](#)

وده من الناس من الصحابة الكويسين العزماء اللي شاركوا في يعني معركة اليمامة اللي هي اعنف معارك حروب الردة اللي هي كانت بتسمى حديقة الموت اللي كان فيها اللي قتل فيها مسيلمة الكذابة. ده كان بيشارك ايه؟ ويشارك في اليرموك اللي تحت قيادة خالد بن الوليد المسلمين هزموا - [00:01:59](#)

هذا الصحابي العظيم ده يعني بعد ما اسلم بعد الحديبية وتأخر اسلامه كده مع انه ابن ابو بكر الصديق لكن اه يعني انك لا تهدي من احببت والله يهدي من يشاء - [00:02:18](#)

لما اسلم قال لابوه ايه لقد رأيتك يا ابي يوم بدر فحت عنك. يعني شفتك في قلب المعركة يوم بدر بس بعدت عنك. يعني اكيد لن اقاتل ابدا اخويا يعني - [00:02:33](#)

فابو بكر الصديق قال له والله لو رأيتك يومها لقتلتك مين فيهم عمل الصح ومين فيهم عمل الغلط الاثنين صح ليه؟ عبدالرحمن بن ابي بكر في بدر كان من جنود الباطل. فكان لازم يختار بين ابوه وبين هبل - [00:02:48](#)

اكيد مش هيختار هبل ده يبقى هبل لو هيختار هبل. عمل ايه؟ يختار ابوه العمل الصح على فكرة مش ممكن يبقى ولاءه لصنم اعزم من ولاءه لابوك. انما ابو بكر الصديق يوم بدر كان من جنود الحق. من جنود الله. كان لازم يختار بين الله وبين ابنه - [00:03:10](#)

لان ابنه في يومها كان استحب الكفر على الايمان فاختر الله. لكن هو الحمد لله ما شافوش يعني. طيب. العبرة يا جماعة هي ان الدنيا عبارة عن مجموعة قرارات لازم تقررها تاخذ قرار انت طول الوقت تاخذ قرارات. قراراتك لازم تكون مبنية على اولويات اولوياتك لازم رقم واحد - [00:03:30](#)

يبقى الله سبحانه وتعالى نكمل بقى المعنى ده باية تانية بقى تفصيلية. ادي الآية بقى اربعة وعشرين قل ان كان اباؤكم وابناؤكم واخوانكم وازواجكم وعشيرتكم واموال وتجارة تخشون كسادها ومساكن ترضونها. احب اليكم من الله - [00:03:55](#)

ورسوله وجهاد في سبيله فتربصوا. حتى يأتي الله بامرہ واللہ لا يهدي القوم الفاسقين بصوا يا جماعة بصفة عامة بقى بصفة عامة سواء بقى الاباء والابناء دول كافرين او مؤمنين يجب ان المسلم يكون عنده وضوح في مسألة الاولويات - 00:04:25
ولاء لمين اكثر من مين يعني اذا تعارضت المصلحتين تختار ايه ممكن واحد يقعد عن الجهاد عشان ولاده وزوجته تعلقه في رقبته. يقول له يا بابا ما تسبناش. هتسبنا لمين؟ يقوم قاعد - 00:04:51

وده بيشرح الحديث الشريف اللي بيقول فيه الرسول عليه الصلاة والسلام الولد يعني اولادك اولاد وبنات الولد جينة مبخلة. يعني يخليك تجبن عن القتال. ويخليك تبخل عن الانفاق. ما انت عايز تخلي الولاد. فما تدفعش بقى الزكاة - 00:05:12
هنا لازم يكون في وضوح. قل ان كان اباؤكم وابناؤكم واخوانكم وازواجكم وعشيرتكم واموال اقترفتموها وتجارة تخشون كسادها ومساكن ترضونها احب اليكم. يبقى مش ممنوع تحبها انت ممكن تحبها ده طبيعي انك تحبها - 00:05:32
لكن الغلط انك تحبها اكثر من الله ورسوله وجهاد في سبيله. هي دي تبقى المشكلة فطبيعي انك تحب الحاجات دي كلها. تحب اهلك. ابوك وامك واولادك واخواتك وعشيرتك. كل ده وفلوسك اللي انت تعبت فيها. كل ده - 00:05:57
تجارتك وشركتك اللي انت عملتها. بيتك اللي انت بنيت. كل ده حبه زي ما انت عايز. لكن مش اكثر من الله ورسوله وجهاد في سبيله وجهاد في سبيله؟ حتى الجهاد كمان يعني مش مسلا الله ورسوله خلاص ماشي لكن ما ينفعش احب حاجة من دول اكثر من الجهاد؟ ايوة - 00:06:17

بس دي مسألة صعبة اوي. اه ما هي مسألة صعبة. يعني مين قال انها مسألة سهلة يعني؟ هو انت ليه عايز يكون يعني دخول الجنة سهل كده يعني. لا الجنة مش رخيصة - 00:06:35
الرسول عليه الصلاة والسلام بيقول الا ان سلعة الله غالية. الا ان سلعة الله الجنة انت عشان تدخل باركينج تدفع فلوس عايز تدخل الجامعة ببلاش ما فيش حاجة ببلاش وشوف بقى الحاجات اللي ربنا اختارها لك ازاي - 00:06:47
قل ان كان اباؤكم وابناؤكم واخوانكم اللي هي علاقات الدم. اللي هم لحكم ودمك ابانكم وقلنا الاب اللي هو كل من له عليك ولادة. يعني ابوك وجدك وابو جدك. كل دول وابناؤكم ابنك واحفاد - 00:07:03
واولاد احفادك كل دول طالع ونازل اصول وفروع واخوانكم اخوك اللي بتعتمد عليه كل دول ما ينفعش يكونوا احب لكم. قربنا بيختار علاقات الدم دي. انا هاقول لكم على حاجة - 00:07:22

اه دي حاجة انا شعرتها بنفسي الحقيقة وولادي صغيرين. لما كان بعث للولد كل واحد عنده اولاد صغيرين ويبدأوا يتكلموا. فالواحد يرجع البيت كده بعد الشغل مراته تقول له ايه؟ ده انت فاتك حاجات كتير النهاردة. ده ابنك اتكلم. ابنك قال كذا. تبقى انت هتتجنن الليلة دي كنت موجود. طب ما صورته لي وما كانش فيها ساعتها موبايلات بتصور وبتاع - 00:07:40
تبقى هتتجنن عايز تشوف الكلام ده فتبقى ايه هو خلاص الولد قدامه مسلا ساعة كده ولا حاجة وينام فتبقى عايز تقعد الساعة دي تتفرج عليه كده وهو بيلعب يمكن يقول كلمة يمكن يلعب - 00:08:00

بطريقة كده تضحك تبقى مبسوط كده يبجي اذان العشاء. ابقى بين صراع عندي صراع انزل اصلي العشاء في المسجد هرجع انا متأكد هلاقيه ينام ولعوا بقى واصلي وخلاص في البيت. عشان اقعد مع الولد شوية. اهي دي النقطة اخش في صراع - 00:08:10
الصراع ده هو بقى هنا بقى قل ان كان اباؤكم وابناؤكم الى احب اليكم من الله اقوم قايم متوضي ونازل اصلي. هي دي النقطة وبعدين وازواجكم علاقات الحب والنسب وعشيرتكم - 00:08:34

علاقات الوطنية والمواطنة واموال اقترفتموها. القرف القرف يعني القشرة اللي بتنزل صعوبة من على جزع الشجرة. عشان كده القشرة دي لما بتنزع وتتساب يوم كده تعفن فيقول لك ايه القرف ده! ده اسمه القرف - 00:08:50
فاقترفتموها يعني اموال دي جبتها يعني تعبتوا فيها. اموال انتم سهرتوا لياي. سافرتوا شرقا وغربا وشمالا وجنوبا عشان تجمعوا الفلوس دية مش اموال ورستوها وخلاص مش اموال ورثتموها. مش اموال جات لكم هدايا؟ لأ. انت لما يكون مش عامل حسابك اني جاي لك فلوس. ومرة واحدة تيجي لك فلوس كده ما تعرفش جات لك ازاي - 00:09:10

تقوم واخذها وصارفها في اي حاجة وخلص تجيب حاجة انت صعب انك تجيبها بفلوس انت تعبان فيها. فربنا بيقول لك لأ واموال اقترتموها فلوس تعبانين فيها فعزيزة قوي عليكم عزيزة اوي عليكم - [00:09:37](#)

وتجارة تخشون كسادها تجارة فيها تسويق واعلانات ومسألة حساسة جدا. لو البضاعة ما اتباعتش خلال الموسم ممكن ما تتباعش ابدأ. لان خلاص الموضة بتاعتها راحت. الاحتياج لها مش موجود. مين هيشترى ملابس صوف وبلاطي ثقيلة والصيف ده - [00:09:52](#)

دخل خلاص فالتاجر لو ما لحقش يسوقها وتجارة تخشون كسادها. يخاف من الكساد يضحي بقى من اجل تسويق بضاعته. يرجع البيت متأخر وما يشوفش اسرته ويهمل فيهم بالايام والاسابيع من اجل ان بضاعته تمشي - [00:10:14](#)

ربنا بيختار لك في الاية دي اعز اشياء عندك ممكن تاخذك تاخذك من اي حاجة. هي الاشياء دي اصلا متنافسة بتاخذك بياخدوك من بعض. التجارة بتاخذك من مراتك ومراتك تاخذك من امك عارفين انتم المسل بيقول لك - [00:10:33](#)

خايبة للغيب فهي دي النقطة انه حتى الاشياء دي اصلا متنافسة مع بعض. ومساكن ترضون ما هو الواحد بيسكن الاول وبعدين يتمنى ينقل في بيت افضل. فينقل في شقة صغيرة كده بس السبابة تعبانة في الشقة الصغيرة دي فين؟ نتمنى يركن يعني يسكن في حطة ارقى شوية - [00:10:50](#)

شوية فيسكن في شقة تانية يسكن في فيلا طب عايز فيلا بحمام سباحة وبعد حاجة فيها جاكوزي وبعدين حاجة فيها جراج للعربية جوة من مدخل من مش عارف - [00:11:11](#)

لغاية ما يوصل للبيت اللي يرضيه. ومساكنه ترضونها. اللي هو البيت اللي انت مستريح فيه ومبسوط بقى ان انت ساكن هنا مش بتفكر كل الحاجات دي متاع الدنيا كله ده بقى - [00:11:21](#)

لو كان احب اليكم من الله ورسوله وجهاد في سبيله كمان ها بيحصل ايه؟ فتربصوا حتى يأتي الله بامرته حتى الجهات كمان لانه تضحية بكل متاع الدنيا الزائلة عشان حاجتين - [00:11:38](#)

خلي بالك تضحي بنفسك وبروحك وبولادك وبكله وبفلوسك وبكل حاجة انت رايع انت رايع تضحي بنفسك تلقى بنفسك عشان ايه؟ عشان اعمار الارض الله! طب انا هافقد ده! انت هتعمّر الارض للاخرين! ما هو مفهوم الجهاد في الاسلام مش مفهوم اناني - [00:11:59](#)

مش عشان تدافع عن نفسك بس لأ انت بتعمّر الارض بازالة الطواغيت وتحرير المظلومين والمضطهدين. وعشان تنال رضا الله وجنات تخلص فيها ابدأ قصور احسن من بيوتك اللي في الدنيا اللي انت راضي بها دي اللي اصلا السبابة فيها. حتى لو كويسة دلوقتي حتى الجاكوزي اللي انت فرحان به هيعطل بعد كم سنة - [00:12:18](#)

لكن هناك ما بتعطّلش الجاكوزي هنا خالص قصور بدل البيوت دي. صحبة احسن من الصحبة بتاعتك. حور عين احسن كله احسن حتى من اهلك اللي انت بتحبهم المؤمن هيلحق بك في الجنة - [00:12:44](#)

بالتالي المجاهد وهو يجاهد. لازم يكون بيحب عمله اللي هو بيعمله. مش بيقول لك ده دكتور شاطر جدا وبيحب شغله يعني بيعمل شغله بفن بيعمل شغله كويس ممتاز ده شيف شاطر جدا بيحب شغله فيبطلع الاكل من ايده تعرق. يبقى المجاهد لازم يحب - [00:12:59](#)

الجهاد يحب عمله. زي خالد ابن الوليد كده كان فنان بيقااتل بعقرية بفن بشجاعة فما فيش حد عرف يقف ضده. هو الذي لم يهزم ابدأ لا في الاسلام ولا في الكفر - [00:13:24](#)

يعني حتى لما قاد جيش قريش خده في احد وغلبنا. اكثر من كده ايه؟ ما هي دي نقطة بيحب شغله. ازاى يا جماعة المسلمين هدوا دولة الفرس والروم في نفس الوقت - [00:13:43](#)

في نفس الوقت المسلمين مش مسلا حاربوا دولة وبعد كده التانية لأ. مع بعض بيحاربوا اكبر حضارتين واكوى قوتين في العالم. واعدادهم اضعاف اضعاف هم الالفين ازاى لا يهابون الموت - [00:13:56](#)

ويحبون الجهاد مقبلين على الجهاد. وبالنسبة لهم هو فلسفة. رايعين يحرروا الناس مش رايعين يستعمروا البلاد عشان ياخدوا

البترو ل بتاعهم لآ هو فلسفة طب ولو حبينا المغريات الدينوية دي اكتر من الله - [00:14:13](#)
ورسوله وجهاد في سبيله. هيجصل ايه يعني وتربصوا انتزروا بقى عقاب ربنا. فتربصوا حتى يأتى الله بامرہ. والله لا يهدي القوم
الفاسيقين يا نهار ابيض! ايوة امال ايه لو حبيت الحاجات دي اكتر من الله ورسوله تبقى فسقت فاسق فسقت التمرة. يعني التمرة -
[00:14:31](#)

خرجت من القشرة بتاعتها تبقى القشرة كاملة كده والتمررة تخرج من اسمها فسقت التمرة يبقى الانسان ده فسق عن الدين او الانسان
الفسق هو اللي خرج عن تعاليم ربنا مش كافر لكنه فاسق يعني خارج عن تعاليم ربنا - [00:14:57](#)
مقصد الشرع من القتال من الجهاد القتالي هو احقاق الحق وابطال الباطل من خلال ايه؟ سنة من سنن كده اسمها سنة التدافع سنة
التدافع. ربنا سبحانه وتعالى بيقول ولولا دفع الله الناس بعضهم ببعض لفسدت الارض - [00:15:15](#)
ارض عند ورش ولولا دفاع الله الناس بعضهم ببعض. لولا ان ربنا جعل ناس تدفع ناس اهل الحق يقوموا فيدفعوا واهل الباطل كانت
الارض فسدت. وقال في سورة الحج ولولا دفع الله الناس بعضهم ببعض لهدمت - [00:15:38](#)
صوامع صوامع الرهبان وبيع يعني الكنائس. المسيحيين بيعبدوا فيها المسيح عبادة شركية وصلوات جمع صلوة اللي هو المكان بتاع
اليهود. او يمكن انا لخبطت في الحتت بين البيعة والصلوة العكس يعني - [00:15:58](#)
ومساجد يذكر فيها اسم الله كثيرة كل ده بيذكر فيه اسم ربنا وان كان العبادة بتم بطريقة خاطئة زي عند اليهود والنصارى ها
ولينصرن الله من ينصره. يعني ايه؟ يعني ربنا اذن بان اهل الحق يقوموا يدفعوا اهل الباطل من اجل ايه؟ من اجل ضمان -
[00:16:18](#)

حرية العقيدة حتى اللي احنا نراهم بيعبدوا ربنا غلط وبطريقة كفرية ونراهم حتى كفار. لكن كفروا لكنهم من اهل الكتاب. من حقهم
اعبدوا ربنا بالطريقة اللي هم عايزينها حتى لو غلط. واحنا مسئوليتنا ان احنا نقوم ندفع اهل الباطل - [00:16:37](#)
علشان نضمن لهم حرية العقيدة. عشان لما ربنا يحاسبهم بقى ويدخلهم النار يبقى ما حدش اجبرهم يبقى هم كانوا قدامهم الاوبشنز
مفتوحة وهم اللي اختاروا غلط. لكن ده مبدأ اساسي لاعمار الارض ان الناس تكون احرار. يا جماعة بدون - [00:16:57](#)
للحرية ما فيش اسلام يعني ايه؟ هو الاسلام قايم على ايه؟ ان ربنا هيحاسبنا وبعد كده يدخل دور النار ويدخل دور الجنة. طب
هيحاسبنا ازاى لو احنا مش احرار في اتخاذ قراراتنا. فالاسلام كله قايم على الحرية اصلا - [00:17:14](#)
تربصوا فتربصوا. طب هيجصل ايه تربصوا قال صلى الله عليه وسلم يوشك الامم ان تداعى عليكم كما تداعى الاكالات الى قصعتها
يعني الامم على وشك تنزل اكل فيكم اكل زي الاكلة يعني الناس الجعانيين اللي قاعدين حوالين القصعة في الفلاحين عندنا هيبقى -
[00:17:31](#)

طبق كبير كده صينية كبيرة كده والكل قاعد ايه بيدب ايده وبياكل منها اسمها القصعة. الناس الاكلة الجعانيين اللي قاعدين حوالين
الاصعب بياكلوا انتم اللي بتكونوا الاكل بيتاكل قال قائل - [00:18:00](#)
ومن قلة نحن يومئذ هو احنا يومها هنبقى قليلين للدرجة دي قال الرسول صلى الله عليه وسلم بل انتم يومئذ كثير. لا ده انتم هتبقوا
كثير جدا. الله! او مال ايه - [00:18:12](#)

ولكنكم غثاء كغثاء السيل وشرحناها. السيول لما بتنزل على الجبال بتلم الزبالة اللي على الجبال والفيران الميتة ورق الشجر المعفن
والكلام ده كله. وتاخده في الوادي ثم السيول تنحسر وتبقى الاكوام الزبالة دي - [00:18:26](#)
اسمع غثاء السيل تبقوا كثير بس للاسف زبالة التعبير النبوي على فكرة. ولينزعن الله من صدور عدوكم المهابة منكم. وربنا هينزع
الهيبة مش هيبقى لكم هيبة. الناس مش هتخاف منكم - [00:18:46](#)

عدوكم مش خايف منكم. وليفذفن الله في قلوبكم الوهن. وانتم قلوبكم مش عدوكم مش خايف منكم. وانتم بقى قلوبكم فيها ضعف
وهل قال قائل يا رسول الله وما الوهن؟ قال حب الدنيا وكراهية الموت. الله! ما نكرهش الموت ده طبعاً ما نكرهش الموت -
[00:19:08](#)

انت لو بتحب حد عايز تشوفه عايز تقابله مش كده ؟ طب بتكره الموت ليه ؟ احنا ما بنكرهش الموت. المسلمين لا يحبوا الموت ولا بيكرهوا الموت لكن لن ما نخليش الموت عقبة عندنا. مش عقبة قصاد الوصول للاهداف السامية بتاعتنا. ده الاساس. اقرا - [00:19:28](#) معي بقى من خمسة وعشرين الى سبعة وعشرين. لقد نصركم الله في مواطن كثيرة ويوم حنين اذ اعجبتكم كثرتكم فلم تغن عنكم شيئا. وضافت عليكم الارض بما فرحت ثم وليتم مدبرين - [00:19:48](#)

ثم انزل الله سكينته على رسوله وعلى المؤمنين وانزل جنودا لم تروها وعذب الذين كفروا وذلك جزاء الكافرين. ثم يتوب الله من بعد ذلك على ان يشاء والله غفور رحيم. من اول السورة الايات بتحت المسلمين على قتال اعدائهم. لكن ما ينفعش حاكم - [00:20:12](#) اجمع شباب الامة ويرميهم في ساحة المعركة ويقول لهم يلا حاربوا يا ولاد. لاً لازم يعلمهم فنون القتال اولاً ويخبرهم اسباب النصر ايه ويدربهم على اسباب النصر. ايه اللي بيحب النصر ويدربهم عليه ؟ واسباب الهزيمة ايه ؟ ويحزّزهم منها - [00:20:44](#) صح حلو اوي. في الايات الثلاثة دول اللي هنتدبرهم بكرة بازن الله. سنجد ربنا بيذكر المؤمنين باكبر سبب للفشل والهزيمة واكبر سبب للانتصار وللنجاح والمسلمين جربوا الاتنين لقد نصركم الله في مواطن كثيرة - [00:21:04](#)

انتم يا ما انتصرتوا لكن ويوم حنين اذ اعجبتكم كثرتكم. لما فرحتم لانكم اول مرة جيشكم يوصل اتناشر الف فلم تغني عنكم شيئا وضافت عليكم الارض بما رحبت. ثم وليتم مدبرين. عارفين يعني ايه ؟ الصحابة طلّعو - [00:21:28](#) يضرب تركوا النبي وطلّعو يجروا ده امتى لما عجبتهم كثرتهم لما قالوا النهاردة لا يمكن نتغلب بسبب القلة قلة العدد. لا يمكن احنا اتناشر الف لقيت درس اللهم انا نسألك حبك وحب من يحبك وحب كل عمل يقربنا الى حبك. اللهم - [00:21:51](#) وما رزقنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل الحبك احب الينا من اهلينا واموالنا ومن الماء البارد على الظمأ. اللهم حببنا اليك والى ملائكتك وانبيائك - [00:22:14](#) ايكاً ورسلك وعبادك الصالحين. واجعلنا ممن يحبك ويحب ملائكتك وانبيائك ورسلك وعبادك الصالحين اللهم احببنا بقلوبنا بحبك. واجعلنا لك كما تحب. اللهم اجعلنا نحبك بكل قلوبنا. ونرضيك بكل اللهم اجعل حبنا كله لك وسعينا كله في مرضاتك. اللهم اجعل القرآن الكريم - [00:22:34](#)

ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا. اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك تلوناه او - [00:23:04](#)

تدبرناه اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم. ونجعلك اللهم في نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه ايد بنص - [00:23:34](#) المرابطين في الارض المباركة فلسطين. اللهم سد رميهم وخيب رمي عدوهم وتقبل شهداءهم وانصرهم في جهادهم. وكن مع اخواننا بتركستان الشرقية وفي الشام وفي كشمير وفي الهند وانصر من نصرهم واخذل من خذلهم. وظهر المسجد الاقصى من الدنس فانهم - [00:23:54](#)

لا يعجزونك. واكتب لنا يا ربنا ختم القرآن فيه. اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك. وتوحدت على دعوتك وتعاهدت على نصره شريعتك - [00:24:14](#) فوثق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيض الايمان بك وجميل التوكل عليك واحياء يا ربنا بمعرفتك. وامتها يا مولانا على الشهادة في سبيلك - [00:24:34](#) انك نعم المولى ونعم النصير. وصل اللهم وسلم على محمد وعلى اله وصحبه ومن اتبع هداه. والسلام عليكم ورحمة الله. ونراكم غدا بازن الله في نفس هذا الموعد ان كنا من اهل الدنيا - [00:24:52](#)